



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五

蒼雪大師南來堂詩集四卷遺文一卷補編四卷附錄四卷

釋讀徹撰

一

尊水園集畧十二卷補遺二卷

盧世淮撰

一五一

石臼集十六卷（前集九卷後集七卷）

邢昉撰

三九九

南來堂詩集

庚辰冬
陶造

民國廿九年
校印於上海

序一

世之知蒼雪大師者多以詩鮮知其爲華嚴宗匠詩特其餘事耳顧大師亦喜讀生夢詩證入不二法門禪機詩學總一參悟盡詩也禪也其真諦不外乎性靈詩雖爲儒從之好學而要亦爲禪門中所有事也若大師之詩則尤有可言者明季清初畸人逸士或性耽禪悅或有託而逃多隱於釋以余所知兼此二者則唯吾大師焉大師爲雲南趙氏子生於明萬曆初年父爲都講僧幼承家學具有宿根卽出家爲沙彌年十九慨然遠遊孤筇萬里說法於江浙間交遊遍海內一時高僧古德名臣碩儒多樂與之友國變後更棲棲無定所與往來酬倡者類皆勝代特立畸行之士所爲詩悲歌感慨多故國黍黍之音吳梅邨氏稱大師之詩蒼深清老沉着痛快富爲詩中第一不徒僧中第一有南來道者爲蒼公說經如虎詩如龍之譽復稱師雖方外於興亡之際感慨泣下每見之詩也其自詠及金陵懷古之作當世諸鉅子既極傳誦謂可見其志矣而余披其集中略如哭親之思極還疑在歸遲已隔生報恩恩反負無益是虛名題明詩選之著作觀前代無能勝我明大音歸正始元氣自和平中峯休夏之誰能甘餓死自喜比夷齊其忠孝節義之氣概躍然紙上數世以下讀之猶可想見焉大師之南來堂詩初未成集幾於散佚吾郡陸汾訪求之殷得其徒行敏所原蒐而

南來堂詩集序

增輯之始有四卷本之傳世時距大師之示寂僅二十餘年而陸氏謂隨處考訂五易寒暑而得成斯集蓋其艱已若此也然詩之佚者尙多且其中包含史實甚富而及今二百餘年猶隱晦不彰上海培孫王先生竺志文獻尤喜瀏覽明清間詩文於典革時事固多識而明辨之矣得大師之作而酷好之因發憤爲之校輯卽依據雲南所刊陸汾四卷本而參以吳江顧茂倫選刊殘本常熟瞿氏鈔本及各選本更輯爲補編四卷又彙集原書之序跋以及關於大師之記載與各家酬倡之作爲附錄四卷使大師之詩佚而復存功已甚鉅而校輯之際復就集中詩題之有可考證者箋註其人與事之來歷於下網羅羣籍參互鈎稽不避繁瑣使大師之詩隱而復顯情尤真摯海寧陳君乃乾旣助先生蒐錄校訂復輯大師行年考略一通以附之於是而讀南來堂集者不僅可想見大師之禪機氣概且如讀明清之際詩史焉先生整理是集綿歷歲時國難陡作於奔波流離之中仍攜諸行篋鏤而不舍今得完成授余讀之謂余曰箋註之際凡忠孝節義之所在蓋尤兢兢焉夫禮義廉恥固爲國之四維而忠孝節義尤爲人之骨格此吾炎黃遺胄之國脈雖遊於方外者亦心焉存之也今人祇倡禮義廉恥而不言忠孝節義吾恐世局之震盪正靡有極耳先生隱居滬南主持學校已四十餘年不驚聲華潛移默化門弟子多知名之士先生則寂處小樓一角坐擁百城不知者見之將以謂老頭陀也余與先生爲忘年交垂三十年矣每與先生晤對通書則相

清代詩文集彙編

徵文考獻而未嘗有涉教育數十年如一日蓋不言教育而教育之宗旨自在其中相喻於微也今者先生年踰七秩適丁乾坤頹洞之會同人欲爲先生壽者先生謝焉爰出此校輯南來堂詩集相示其意深遠矣同人乃爲付印流布於世蓋亦不第爲先生遐齡之祝而實以永國脈無窮之傳也先生屬爲弁言忝在同志遂不辭而序之

中華民國二十九年十月金山復廬居士姚光石子甫時避地滬濱

南來堂詩集序

序二

蓋聞宗教殊途胥在止於至善風騷異趣厥旨蔽以無邪是故杏壇訓育諸聽滄浪咀揚休自然合奏豈不以詩之爲義率皆數音天籟燕衍羣情弘六度而和光妙詠歌以言志乎邇者鼓聲動地函矢紛馳鵲蚌漁翁咸抱陸沉之戚堂耶碑雀岳勝塵劫之悲益以俗尙雖黃士矜繩紫駕鸞繡出鮮注意於金針雕鏤聲方有資乎木鐸此蒼雪大師南來堂詩集之所由重刊也師法諱讀微別號南來折葦漢江卓錫吳下中峯邱壑紹支遁之淵流顯乘津梁啓生公之講席孟嘗餉客常煨芋以加餐司馬驚文兼種蕉而作紙由是禪悅優游吟哦嘯傲珠圓玉朗依稀鉢湧蓮花聲遠鐘宏遠莫當頭棒喝冰壺水鏡將毋同其襟期竹露芝泉殆庶幾其馨歎斯誠慧業詞人善提早證般若釋子楊枝遍灑也矣况以師生際明清誼聯緇素謝枋卻聘屢陳微蕨之辭崔浩焚身終屬蜚狐之筆更有楚材鐵騎或樹甘棠抑或索靖銅駝憂傷禾黍倘援取友必端之例應多杞宋史獻之徵詩題遺蹟所爲箋注彙錄者此也吾師王培孫先生夙契師詩尤符鍼芥偶選珍委蛇其鱗爪遂辦香想象其筌蹄每對鴻泥輒縈縈緒然而郢謳白紵和寡彌高千冶青萍遠時隱晦以致廬山真面相識猶迷趙壁連城求全匪易爾乃神助其功物歸所好一癡借到非同蕭蕭蘭亭雙鯉遙頒宛似

南來堂詩集序

普廚論語雖星霜之迭換卒旦暮而遇之若有憾焉喜可知也於是魯魚亥豕從衡鑒而攸分唐棣茅鷄悉網羅而勿失日近長安近且兩可以俱存定深魔亦深姑闕疑而待正信足以鑄藝苑之楷模廣祇園之福德矣迺復晨昏與共藻翰忘疲義其詩題類煩將伯冀其遺蹟意匠經營如題月下推敲便詳昌黎出處如題峨眉山西去即敘蜀道艱難題如綠綺手揮也許朱華目送題如碧紗籠護還輪紅袖殷勤他如秘演詩集序始歐陽佛印詩壇帶留蘇軾以及東林寶剎聲自桓伊河洛英靈誕歆玄奘靡不周咨博訪輝美駢臻直是雅頌之作繼以春秋紉縷卿雲翼之謨典詎非三生石上舊有因緣五百年間後先名世者哉庶靡依既久鑽仰尤誠沐浴雨於秦函愧遲關尹挹慈暉於絳帳幸踵康成何圖微笑侯芭遽膺法眼轉若及門迦葉獨得心傳負乘厚顏戴崑知重感驥鳴而思奮願鶴舞以低回自惟猿鳥簡書敢預前驅嚶引竊願太平鷄犬藉隨淮南仙眷而已謹序

民國二十七年十月受知周鳳庠潤石謹撰

校輯緣起

丙子季春某日郵人來得吳門潘聖一先生遞書一冊則蒼雪大師南來堂詩鈔殘本下冊也開緘喜甚詩爲吳江顧有孝茂倫選刊分上下二卷外編一卷外編爲關于佛事之作今存下卷及外編已佚其所選之半則雖喜而猶有憾焉余二十年來暇每披閱明清間詩就選本中讀蒼雪詩而好之知蒼雪有集名南來堂而未之見後得雲南刊本四卷訛脫過多不可卒讀投置篋中者久矣乃于癸酉清明時以錢琴一先生約偕游虞山參觀常熟圖書館見鈔本中峯蒼雪大師集四卷錄自常熟瞿氏者得館長陳敬如先生許可假歸檢取雲南本互勘鈔本雖亦多訛脫而詩多于雲南本者幾十之四且訛脫處二本不同而不妨于互勘也二本均冠以陸汾序文凡例及募刊小引其序文康熙十七年作距蒼雪示寂二十餘年耳據序文言所得蒼雪詩爲行敏所鈔藏亥豕竟同落葉備訪蒼雪生前留墨處考訂經五易寒暑而得成斯集則斯集訛脫之多在陸汾時已然矣雲南本據正脈後述得自洞庭東山後述作于雍正元年距陸汾考訂又四十餘年據陸汾凡例以乙酉至丙申示寂詩爲第三段而雲南本罕見乙酉後詩似當時別一人所擇錄或國變後慮文字有所忌諱而不入也然其擇錄自有旨趣非偶然者至顧茂倫選刊本則陸汾正脈等皆不述及殆所未

南來堂詩集緣起

見可知流傳之少惜侯首冊致刊書之序例及年月俱無可考然在二本互勘後遇此殘冊裨益已匪淺欣幸又奚如且此冊中爲二本所無者又得多首不特訛脫之賴以校正已也抑以思之顧茂倫之選刊或在陸汾考訂之後故以陸汾訪求之殷切而未見此選刊本余後陸汾幾二百年而于蒼雪詩之契愛殊有同情之感假得常熟鈔本潘聖一先生又得顧刊殘本且校且輯于是南來一集隱而復顯關而復全絕而復續校輯之餘復就集中詩題爲箋註其人與事之來歷而斯時也適範成上人得吳郡法乘南山宗統弘儲語錄等歷久沉澁之法寶以次流通時相過從因更得資參考增箋註之興趣凡此因緣湊合事有非偶然者中日戰起避地武進南鄉者逾五閱月歸則寓居租界寂寥寡歡幸攜此數冊自隨乃得閒而從事焉而尤幸者工作甫竟獲識常熟蠶鳳起先生爲就其家藏原鈔本校字一過所正頗多雖全書猶有闕疑而庶乎可無憾矣校輯概況別爲凡例詳之如左

(一)雲南本四卷茲仍其舊惟卷三分爲上下卷常熟鈔本及各選本所有輯爲補編四卷卷三亦分上下雲南本一題數首而祇錄其一或兩題連帶關係而祇錄其一者間爲併合庶便閱者蓋雲南本爲當時人所擇錄而今則謀全集之流傳意趣不同

(二)雲南本四卷正脈來吳得自洞庭東山湘舟大師錄以攜歸常熟鈔本四卷當即陸汾所得行敏鈔藏本而欲爲募刊者訛脫較少今雲南本之訛脫依鈔本及各選本改正凡字

蒼雪大師南來堂詩集

句異同之兩可者註明各字句下至常熟鈔本中之疑字疑句又經蠶鳳起先生依所藏原鈔本校改更有疑處祇得存疑

(一)南來適際明清易代集中所共酬倡者一時高僧古德名臣碩儒與夫特立崎行之士表而出之足增是集之價值故就詩題之有可考證者箋註于下作筆記觀可作詩話觀亦可惜參考書之供給不多借閱匪易尙有無從考證者不無遺憾

(二)南來堂集原有之詩序題跋凡例與關於蒼雪大師之傳記等文南來堂所在之支硎中峯之記載以及各家酬倡之見于專集及選本者彙輯爲附錄四卷雖未能廣博搜羅亦可聊備參考

(三)明河決如與蒼雪大師齊名其傳略具錄于詩集吳門送別汰公還及補編高松講大鈔于華山題下蒼雪門人緣中自均德風聞照智光印持六人賢首宗乘皆有傳集中亦皆有詩已各錄存于各題下以徵師友淵源惟玄道無傳可錄而詩中又未及之僅附見卷四文照還蜀題

(四)陸汾凡例云就一二可知可見者如贈深棲菩提庵壽西持宜修二師等一爲釋明今鈔本中有十餘題下有此說明者均仍錄于題下標明陸汾原註至題原有附註如中峯八詠之類似非陸汾所釋明者亦仍其舊錄于題下

南來堂詩集緣起

(一)陸汾凡例云行敏所集尙有書啓序跋而今不存可爲憾惜惟雲南本附有寄徒三和書一首又吳郡法乘有文二首吉光片羽錄附卷後

是集整理計自癸酉迄己卯先後凡七年避地蟄居方得粗告成就承諸友助如江浦陳先生珠泉吳縣潘先生望一仁和王先生綬珊金山姚先生石子海甯陳先生乃乾常熟陳先生敬如蠶先生鳳起如皋範成上人或借給書冊或商權校訂茲幸得出版而陳珠泉王綬珊兩先生已先後辭世不及見浮生若夢爲懷幾何其烏能不撫卷而無憾于中也


民國二十九年農曆庚辰季夏之月上海王培孫述

蒼雪大師行年考略

劫遺

庚辰孟冬校印

傳法系統



蒼雪大師行年考略

蒼雪大師行年考略

庚辰孟秋王培孫先生以所注南來堂詩付印俾予雜校循誦數過於蒼雪大師之事蹟粗知梗概爰依年編次寫為一卷其同時法侶詩友之可考者附焉寒家自兵燹以來篋藏盡散索居孤島紙借無門今據此編蓋不勝竢略之憾云海寧陳乃乾師名讀微初字見曉後更蒼雪別號南來雲南呈貢人俗姓趙氏

父碧潭都講僧

母楊氏

姊妙德

漢釋紀妙德比丘尼呈貢人姓趙氏乃蒼雪法師之胞姊也童年祝髮於昆明城南清淨寺履止教機惟戒確守衣鉢之餘分寸不著篤志精修一無虛日常領衆數十時謂滇南尼衆之善知傳也每為大族所重世壽七十餘終於本寺 集中寄徒三和書言一姑婆亦不知近作何狀指此

明神宗萬歷十六年戊子 一歲

正月初二日生 見集中丁丑歲題詩及六十調諸法友詩

錢謙益蒼雪大師塔銘師面時刻創神觀凝眸

賢首宗乘本傳師貌古眼豁神澄氣壯出言成文意趣風生標格韻致渾如晉代人物雖脫略世相舉動之間事多異會

漢釋記本傳師慧性敏達若生知然

是年古心如等 四十六歲 雪浪洪恩 四十四歲 洞閣法乘 三十七歲 朱白民 三十一歲 耶溪志若 董玄宰 共昌 並三十四歲 陳眉公 繼儒 三十一歲 碧空性海 二十六歲 一雨通潤 二十四歲 巢松楚溪 雪山楚果 並二十三歲 若昧智明 二十歲 文瀾持震孟 文彥可從簡 曹能始學倫 鍾伯敬 並十五歲 姚現聞 並十五歲 錢受之 七歲 惠傳生 孔悅 五歲 文啓美 吳孝 蕭伯玉 士章 並四歲 石林道源 三歲 汰如明河 一歲

按師與汰如生年月日皆同集中贈汰公詩同年月日長時辰丁丑還同拜五旬可證也近年陳援菴先生明季漢黔佛教考獨謂師生萬歷十五年不知何據

萬歷十七年己丑 二歲

是年華亭董玄宰舉進士 呈貢文介石相親生

萬歷十八年庚寅 三歲

蒼雪大師行年考略

是年耶溪講楞嚴經於蘇州 吳縣徐元歎波生

萬歷十九年辛卯 四歲

是年吳郡趙靈均均生

萬歷二十年壬辰 五歲

是年碧空得雪浪印心葛屹瞻祠部延主金陵天界寺開闡華嚴經義 耶溪講法華經於杭州靈隱寺 桐城吳本如用先 舉進士 覺浪道忞 生 太倉王煙客時敏 生

萬歷二十一年癸巳 六歲

是年耶溪講楞伽於杭州淨慈寺 攝山僧素菴吳節 卒年七十五歲 晉寧唐大來 季生 按大來即持當和尚昔有其親要在師圓寂之後一年收集中皆稱其俗名

萬歷二十二年甲午 七歲

是年石林禮智林寺明公爲師 支浮戒岳 生

萬歷二十三年乙未 八歲

是年月潭廣德 自雲棲出遊過參諸方 吳郡張德仲生 按德仲無考明亡後隱居集有斷髮傳

萬歷二十四年丙申 九歲

仲躬耕東來詩

是年交光真鑑 作楞嚴正脉成 長洲徐武子樹丕 生

萬歷二十五年丁酉 十歲

是年秋月潭至北京講華嚴宗旨旋歸南京天界寺

萬歷二十六年戊戌 十一歲

師至雞足山寂光寺依水月

漢釋記本傳童年隨父祝髮於昆明妙湛寺至雞足山寂光寺爲水月大師侍者

賢首宗乘本傳師方十一歲送雞足山寂光寺依水月法師爲沙彌

雞足山志儒全號水月昆明人萬歷初年禮古林爲師後與朗目同參徧歷大方海內

宗匠無不印可一日至峨眉山四會亭得瑠璃三昧後歸主寂光寺

是年報恩寺塔頂傾側雪浪領衆乞於都市施者僦集遂得修復 割石弘盤 生 常熟毛子晉 生 長洲楊曰補 補生

萬歷二十七年己亥 十二歲

師住寂光寺

是年含光照講 生 三宜明正 生

萬歷二十八年庚子 十三歲

師住寂光寺

是年江陰周仲榮榮起 生

萬歷二十九年辛丑 十四歲

師住寂光寺

是年漢月法藏 受戒於雲棲 道開自局 生 吳縣席寧侯 本親 生

萬歷三十年壬寅 十五歲

師住寂光寺

是年耶溪棲息杭州永福寺 見月讀體 生 智光德 本 生

萬歷三十一年癸卯 十六歲

師住寂光寺

是年達觀真可 被逮卒於獄年六十一 徐州萬年少 壽 生

萬歷三十二年甲辰 十七歲

師住寂光寺

是年成都莊宣輝程 舉進士

萬歷三十三年乙巳 十八歲

清代詩文集彙編

師住寂光寺

是年董玄宰以湖廣提學副使致仕 唐大來補弟子員 巨治濟教生 微密異生

繼起弘生

萬歷三十四年丙午 十九歲

師出發參方由漢至蜀與鳳正廣曾 偕行達金陵受具於古心

錢謙益著雪法師塔銘年十九慨然遠遊孤筇萬里叩楞嚴於天衣受十戒於雲棲受滿分戒於古心律師聞雪浪晚棲望亭往參焉

賢首宗乘本傳年十九發志參方屢出屢為師所制一日發憤三日三夜奔至雲南省城乃得脫自此孤飄隻影悠悠萬里得達金陵時當古心和尙開戒於靈谷師乃進具毘尼焉行至浙江會稽習楞嚴於耶溪法師復至金陵叩法華於石頭和尙皆無所得聞雪浪大師晚棲梁溪望亭師往參焉

陳繼儒著雪詩稿序蒼雪上人自漢遊峨眉山遇鳳公裹包笠偕來入吳禪誦吟詠如天親無著兩兄弟嘗結制余山中余與之倡和甚數

按集中度黔中鐵鎖橋登文殊頂疎疎雨花臺金山寺自樅陽至桐城國清寺西湖雁宕山黃山黃海諸詩皆此時途中作

蒼雪大師行年考略

汰如亦以是年自通州南遊參叩諸大師門

按師與汰如同為一兩上首弟子時人並稱蒼汰一生遭際無所不同師嘗作六同詩謂同師門同行脚同轉法同住山同起廢同護法也

是年友竹傳放生

萬歷三十五年丁未 二十歲

雪浪接衆於望亭師往參焉

賢首宗乘雪浪法師傳晚年接衆於望亭草菴日則運水擔薪普濟飢渴夜則隨緣說法開導皆蒙二利並與學者翕集

是年一雨南遊武林天目 三際性通 講法華經於東隆福禪堂王文肅公錫爵 特建潮音菴居之 石林受具於古心 與樂勝居生

萬歷三十六年戊申 二十一歲

冬雪山慧果 卒一雨自武林歸賦詩哭之十一月十五日雪浪亦卒一雨為位於水田菴附雪山祭焉

師從崇松聽講唯識論茫無所解歲除賦詩一時傳誦 集有崇師雲隱蹤期水仙居對兩同社分韻詩

錢謙益著雪大師塔銘雪浪沒崇松漫開講甘露寺師年廿餘古貌稜然微衣下坐除夕奮筆呈詩大衆驚異

賢首宗乘本傳雪浪大師沒崇松開講於吳之雲隱師乃進謁聽演唯識茫無頭緒歲除賦詩有云一歲若教無此夜百年那得暫聞人友人崇雲拍案叫曰吾黨今夜盡可閉筆內外喧傳師之詩名實基於此矣

按集中有壬戌山居除夕詩云天地蕭瑟塵吾廬一掃新若教無此夜那得暫聞人瓦雪融松火瓶梅破凍冰自來飄泊慣不覺寂寥身三四兩句與賢首宗乘所引合惟一為五字一為七字耳考壬戌為天啓二年適當崇松圓寂之歲師亦年三十五矣詩之不作於是年可知壬戌二字當是傳鈔相仍之誤或早歲本有此七言二句壬戌年復改入五律歟

又按寶華山志載讀體除夕次蒼雪韻五律一首與此詩僅易數字當是選詩者誤讀微為讀體而傳鈔筆誤字句遂因而小異考其時讀體在漢南尙童穉不得與師馴和也

一雨以師友既喪思欲靜居立言因卜居於海虞秋水菴

按師從一雨不知始於何年集有侍二楞師初住藤溪詩待雨師藤溪休夏詩藤溪

蒼雪大師行年考略

平野堂兩師命同聯句詩藤溪在虞山當即居秋水菴作也

是年廬山僧若昧由黃巖移住開先寺 三際講經於練川西隱寺 石林從崇松聽講楞嚴法華唯識起信諸經論

萬歷三十七年己酉 二十二歲

一雨應匡雪性詳 之請講經金陵休夏於斷臂屋冬升天界之座師從之聽講

是年朱蘭鳴太宰建石頭菴於金陵碧峯寺左延蘊璣如愚居之 開先寺僧智明建華藏閣 古心說戒於鄧尉聖恩寺 漢月受具於靈谷 吳縣蔣賓客一書舉進士聞

照度生 書東吳駿公像贊生

萬歷三十八年庚戌 二十三歲

春一雨天界寺解制冬講法華於驚華師從之聽講始豁然通悟此後數年中一雨講筵所至師殆無役不從

賢首宗乘本傳神宗庚戌參兩師於鳳山作聽楞伽猶然故我十晝夜對卷凝坐雙目通如赤桃及聽三自性章恍如枷鎖墮地種種憎愛忻莫不帖然自此經論觸目一皆冰釋無滯行住坐臥惟覺大快而已

崇松主華山講席 集有春懷華山崇松師詩當作於此後數年中

賢首宗乘崇松法師傳此山雖自浪師開講麓師演化而規模湫隘師至擴而新之山靈面目頓然改觀

是年漢月住海虞之三峯 錢受之以第三人及第 緣中書經生

萬歷三十九年辛亥 二十四歲

春一雨訪巢松於華山夏至若溪居福山禪院冬應講蘇州慧慶寺撰唯識集解十卷成是年合光禮化城庵悟宗師出家 練川諸護法創置際菴延三際主之 無學如龍撰楞伽接響成 自均本懷生 德風書傳生

萬歷四十年壬子 二十五歲

春一雨講楞伽於蘇州雲隱菴

萬歷四十一年癸丑 二十六歲

春一雨講唯識論於蘇州桃花塢之北菴主者不協僅及八卷而止是年玉菴吳撰楞伽科解十卷成 含璞成珠生

萬歷四十二年甲寅 二十七歲

一雨講楞嚴於胥江餘慶菴祠開講於金山甘露寺汰如始謁一雨於金山

蒼雪大師行年考略

萬歷四十三年乙卯 二十八歲

秋一雨自金山南遊於考室山中得受禪師故菴將終老焉冬復還金山

明河二楞大師無住蹟乙卯解衆而南甘露主人曰法燈停一刻之照亦足啓蒙廓蔽固請弘經師曰去而來訂以是冬故金山衆不以師行為別而苦秋杪絮一杖問雲嶺上考室山中得受禪師故菴菴面太湖背西磧潭潭二山左折層松障天過小石橋而西爲蟠螭與松門石幢影相望屋與山際山與水際天秋無雲七十二螺洞庭雙翠統之入指頭也春來梅花不知其幾千萬樹寒香冷暈閒冷然鐘聲莫識路從何入探梅不至是觀止於光福玄墓間始未見梅花也師喜曰山水之興衰暮所宜吾老於是菴久廢爲民居居者索直師笑而無對城中諸居士受法者共成之或問師曰住此何先師曰種竹以菴少竹也賦詩曰且聽栽松事仍添種竹心擬將一片地轉作萬重陰帶兩生新綠因風送好音衰年無可意猶望速成林未幾甘露主人至師曰奈何乃行眉之攢也期中大雪寒甚師憶鐵山梅花新蕊竹新栽力不勝忍見歷爲之愁心學人得法喜如在春風中坐不知也

吳與則正己舉於鄉 集有贈吳與則孝康詩

是年七月蓮池菴卒 卒年八十一 十一月古心卒

蒼雪大師南來堂詩集

萬歷四十四年丙辰 二十九歲

一雨自甘露寺解制歸鐵山秋應講餘慶菴

汰如謁一雨於鐵山尋入閭 集有吳門送別汰公詩送汰公之宣城詩

是年耶溪再應講於吳中如意菴 靖江縣民沈其旋倡捐爲戒衲洪注海門 建楞嚴菴集有楞嚴菴洪公詩居詩 支浮至廬山東林寺從三昧寂光 受具足戒繼至五乳峯參愁山 愁山以自著華嚴綱要授之 蕭伯玉士璋 申青門紹芳 舉進士

萬歷四十五年丁巳 三十歲

一雨居鐵山五年師從焉 集有二楞師開關詩

汰如自閩歸與師同居鐵山 集有喜次公雁后遊歸詩

明河二楞大師無住蹟歷丁巳戊午己未庚申凡五閱歲絕影人間改鐵山爲二楞菴自稱二楞主人於是疏楞伽楞嚴二經故也

錢謙益蒼雪大師塔銘依一雨潤於鐵山與汰如河師並爲入室弟子雪浪之後集講兩筆各擅一長二師殆兼有之諸方所謂巢雨蒼雪者此也

賢首宗乘本傳師與汰公爲兩師上首弟子凡兩師瓶錫所至扶持左右綱領大衆若性若相若圓融具德之學一皆窮源極奧昔之稱巢雨者此時稱蒼雪矣

蒼雪大師行年考略

是年二月朔耶溪回永福寺九日示疾次日坐化 六月月川錄登 卒

萬歷四十六年戊午 三十一歲

師從一雨住鐵山

明河二楞大師無住蹟師之住鐵山也家風一味淡苦執麈挂屣剔金背躬之故菴中無坐食人一年除夕師自舉一大桑樹根生火堂中煥香水師火前向佛坐河與蒼雪侍坐向火燒芋雪大作屋垂欲壓河蒼雪各賦一詩上善坐以待旦柴門十餘日不啓雪欲待人而殘不可得也師勸學者懶欲終杜門謝之是輩不以門杜而不來以講說妨靜欲終杜口謝之是輩不以口杜而不請至無可奈何曲應之一日過經二十紙上首白略裁則說無勞聽易領師正色曰汝看我囊中米多少入門未有不攢貼相容尙遭嚴拒如此其視曲惠以固學士厚貌深詞以固其藩者聞師之風亦應少愧

聖恩寺僧曇華鑄法華鐘歷時廿載三鑄而成 集有詩

萬歷四十七年己未 三十二歲

師從一雨住鐵山

是年曹能始等延覺浪結制羅山 北京敕建金剛寺成沈銘鎮 延蘊璞主之春冬講論日燒數千指 桃現聞成進士 顧茂倫有孝生

清代詩文集彙編

萬曆四十八年即光宗崇禎元年 庚申 三十三歲

巢松退居水田方丈一雨繼主華山師從焉

賢首宗乘巢松法師傳至泰昌元年謂門弟子曰吾可以弛擔矣遂請兩師以謝院事自歸水田方丈

明河二楞大師無住蹟既而巢師自華山還望亭與師書曰鐵山且置華山兄之華山也敢請師曰華山且置丈室老人之丈室也不敢辭將行鐵山人曰師捨此而去耶師曰華山人謂我住此而來也可乎幸無置我於去來相中是冬泰昌改元爲昇支道林講座談經兩月祝聖萬壽

是年三昧自東林移主金陵寶華山 愁山 自廬山往曹溪 碧空講法華於獅子窟勝慈住依止焉 含光聽法於巢松 董玄宰起爲太常寺少卿掌國子監司業

嘉宗天啓元年辛酉 三十四歲

春一雨昇天界講座冬講楞伽合轍於蘇州慧慶寺 集有奉和二楞師元旦詩

明河二楞大師無住蹟天啓元年辛酉鍾祠部爲師結雨花社於南都天界寺破雪來迎師曰天界吾鹿野苑不至此十二年矣無是或一住向半峯雙檜間問故人在否况命我乎是會社中人人義龍行且作雨義天唯師一點眼耳前是巢師連應鐵鑊石城

蒼雪大師行年考略

二集名高衆咸諸龍或在或否概以桓宣武置酒李勢殿視高坐恨人不見王大將軍故爲是舉而師莫之知期終至燕子磯賦蘆花江上月一宿乃還師疲於津梁有匡廬終老之志昧師實啓之以二合轍初出案一雨著楞嚴合轍十卷楞伽合轍八卷非親宣不可適慧慶化城二刹請爲期主慧慶故舊會首是冬畢楞伽明年壬戌楞嚴則化城菴也巢松卒世壽五十六

是年支浮隨三昧至南嶽居維澤蘭岩 易伊佛開 受具足戒於天祐尋往天界寺投月潭 剖石從漢月圓具 開先寺僧若昧造七佛樓 姚現聞授檢討 吉水劉晉卿同升舉於鄉

天啓二年壬戌 三十五歲

師從一雨居華山

靈石 還蜀未幾坐化 集有送淳公還蜀詩懷蜀友石公時聞成都皆有奢僧之警詩

又華山除夕有懷雁正弟詩亦當作於是年

是年智光披剃於六合千佛菴 巨冶從觀法師披剃 微密從大觀山虛中披剃受具足戒於天祐 文湛持成進士廷對第一授修撰 張靜涵有譽 賜進士出身 董玄宰兼翰林院侍讀學士纂修實錄 雲雪道周生

天啓三年癸亥 三十六歲

師從一雨居華山

巢松營葬華山 集有水田師塔詩

廬山匡雲與陳眉公休夏山中留連九旬始去

陳繼儒偶菴草小序廬山自西蜀走吳顧獨與董玄宰章青蓮徐九玉眉道人爲詩友嘗與蒼雪匡雲休夏山中打松子作麋余爲黃蔬蒸菌留連者九旬始去

是年破山寺僧洞閑卒 十月慈山卒年七十八 自均投清菴慎獨律師剃度 緣中禮城西寶月菴自公爲師 慧開 生 三月吳本如以待郎總督劄遼 董玄宰還少詹事掌南京翰林院轉禮部右侍郎

天啓四年甲子 三十七歲

二月一雨講華嚴玄譚五月解制八月移住中峯九月十八日坐化世壽六十次如繼主院事

明河二楞大師無住蹟華山僧有以忍苦致稱者請弘華嚴疏鈔師以時久費浩不許請玄譚許之於甲子春二月昇座五月終期後一病不起法音不復更舉是秋八月遷中峯猶能接王安衆若爲無病人者半月一日出一紙示大衆視之乃遺囑也是日

蒼雪大師行年考略

坐脫於中峯禪院師生於嘉靖之乙丑五月五日化於天啓之甲子九月十八日閱世六十坐夏四十有六將化前一夕命衆鳴魚念佛自疊膝合掌口朗朗至夜半命輟魚但用引磬一人及明聲始絕面色轉紅頂門如火氣漸微至已乃盡身不軟掌不開儲器從俗故舒而斂之師之法子蒼雪與河狎主院事

時中峯久爲王氏產至是仍捨爲佛寺且立券證焉

中峯大殿落成詩自注山爲王文恪公所有四傳而至伯真君不以爲松楸仍還佛地明河二楞大師無住蹟初師移華山二楞菴空虛魔來問鼎鼎遷而師不問至是西城王伯真居士正信佛乘奉師爲大和上願承拾中峯爲二楞菴將死命其子其子能行父志師始以病辭既思中峯與華山密邇且俱爲文公勝地曰死於彼使王氏父子善因成就

因成就

文震孟重復中峯禪院記略昔晉道林支公於吳有勝緣焉迄今千餘年猶多遺蹟華山其禪院也南峯北峯中峯則志所稱冬茅板夏石室處也我明弘正間佛法陵夷殊宮紺宇往往入豪貴家南峯斷廢爲墟墓而中峯亦歸于先正王文恪公四傳至太學君承思且死遺言仍還淨域是時講師一雨潤公卓錫華山通曉釋理縉紳心王因以地界之佛光再朗寶地重新吳山之靈咸爲明證矣酒公旋即遷化二三同志以禮

延其高足汰如河公子白下嗣主院事請余一言垂諸永承

彭紹升居士傳予嘗過支硎中峯寺僧念庭言寺故王氏宅明天啓間捨爲寺以居蒼雪法師立書契戒子孫不得有所求責而景文湛持孟長三君子皆署名其後爲左證師移居白門廿四松山居 集有儀園四詠諸作

賢首宗乘本傳天啓甲子師隱居白門廿四松山居即大司馬吳本如供高僧處也冬至廣陵居吳師利明本 菴羅樹園 集有寓吳師利菴羅樹園詩重到菴羅樹園詩渡江訪師利居士阻風詩

范鳳翼吳氏園作四首小序冬日過廣陵吳師利道兄爲予下榻文園而蒼雪禪師先已駐錫於此因出所和李本寧先生詩見示不揣口口依韻酬之終愧不如碧雲秀句更脩遠耳時爲甲子十月

是年尾正欲還蜀師亦有返漢之意均未成行陳繼儒偶著草小敘頃奢安二箇逆我前行西川稍棲青蓮醉晚扈公日子休矣蜀道登天矧今日乎而玄宰獨謂是不足難扈公也扈公刻詩成挾之西歸試爲我叩小瓦屋中辟支佛牛山心孫思邈果否尚在 王培孫注集有扈正五十而亡詩知扈正及年五十蓋曾欲返蜀而未成行也

蒼雪大師衍年考略

十

按集有次答現聞姚太史見送還漢詩云萬里孤游只等閒天涯歷盡路間關鄉書屢到隨拋擲歸夢無因自住還竹隔雲深秋色冷楓橋月落櫓聲慳一瓢莫道輕身去難別吳中不獨山又有留別眉公先生詩云買得荒田也種瓜結廬多半想東余鳥鳴得意不難樹客到無言只看花二十年前曾住脚九千里外偶還家茫茫滄海從茲別何日逢君話歲華據此兩詩知師曾作還漢之計師離漢在萬曆三十四年至此已十八載矣故云二十年也師遇兩師如子得母不忍捨離忽動歸興當在兩師圓寂之後時居深秋故云竹隔雲深楓橋月落也師昔年自蜀至金陵與扈立偕行今則舊侶同歸亦意中事也永寧士司奢崇明之叛始天啓元年九月至三年五月而敗餘孽未靖其時音訊阻滯故江南人猶謂西川道梗也又集有寄徒三和書云不見汝已三十年知師東來以後迄未返漢也

是年漢月謁密雲圓悟 於金粟 含光聽法於一雨

天啓五年乙丑 三十八歲

師居金陵 是年姚現聞分校禮闈以丁母憂南歸 嘉定李灌溪模舉進士 寒山趙凡夫宣光卒 董玄宰遷南京禮部尙書尋謝政歸

蒼雪大師南來堂詩集

天啓六年丙寅三十九歲

師居金陵 集有金陵千華庵唯識論解制詩白門送唐大來明經北上應試詩是年湛然圓寂卒 漢月開法杭州安隱寺 四月吳本如罷勸遠總督 緣中受戒於報國茂林律師

天啓七年丁卯 四十歲

師居金陵

是年懋德重建雲隱菴即師昔年聽泉松講唯識論地也 義公建菴卒於長干 漢月主鄧尉聖恩寺

莊烈帝崇禎元年戊辰 四十一歲

冬構楞伽於中峯期畢繼次如主院事 集有中峯楞伽解制詩

贈高松次公詩序高松次公自白門招余講楞伽於中峯時以先榜師受山宗幾化去闔郡諸檀延公主之期將終公乃不辭委之而去詩檀仍強繼之

賢首宗乘本傳戊辰冬堂中法鼓忽鳴者三踰之寂無人不數日法師在中峯遣僧使齎書請師說法師應之期事將終次師以院事卸肩爲請師唯唯不決次師以常住事密整書契給以他事別往師送之同侍人報云次師去矣師歎曰這條擔子在我肩

蒼雪大師衍年考略

十一

耶衆人歡賀師獨以爲憂

爲一雨建塔請虞山錢受之爲之銘 集有二榜大師久寂戊辰冬塔基始定志感次次兄韻詩謝撰塔銘詩

明河二榜大師無佳蹟崇禎元年戊辰十二月四日奉全身葬於本山表之以石錢謙益書次如法師塔銘後余爲次如法師塔銘狗蒼雪微師之請据其行狀而作也

德風脫白於堯峯山省恒禪師會下服勤十載 集有德風掩關於堯峯詩是年友蒼祖 遊京師召入大內賜紫衣金鉢 熊魚山開元 令吳江崇禎二年己巳 四十二歲

春董玄宰陳眉公諸人請師講楞伽於松江郡西之白龍潭期中眉公以余山茶筍餉諸學者師賦詩報謝及解制出門執香前道者數千人有尾追而不及一見者從來謙師之威所未有也眉公贈詩亦有執香聊代去思碑之句 集中有自吳門之雲間詩雨中望崑山詩訪陳徵君東余山居詩訪汪希伯詩解制志愧詩

秋偕姚現聞探桂靈巖泛舟金雞堰均有詩時華山僧聞宗留滯江北師賦詩寄懷現聞將復官北行致書范太蒙鳳翼 以次如開宗爲託從師意也

姚希孟與范尙寶太蒙書貴地有講師汰如及苦行閑宗駐錫吳門皆有伽藍之寄而

清代詩文集彙編

10

禮施未集往往香積生塵知台翁夙因不淺幸以神通力一振起之弟行矣端以此爲託 王培孫曰集中懷聽元閣公詩編列于同姚太史中秋泛舟後靈巖探桂前知爲同時所作蓋乘與姚希孟酬對時作此詩輒之而以聽元事囑託而姚卽爲書致范耳病中懷徐九玉有詩

按師懷聽元閣公詩云我病何時還白下懷九玉詩亦有臥病一峯寺之句又云旅泊雖無定住茲冬夏更蓋師住中峯一年矣

是年春廣慧遠公講圓覺經於蘇州 聞照從遠公剝染發志參方冬結制蔣山 自均禮聞谷受十戒 繼起從漢月剝染圓具

崇禎三年庚午 四十三歲

師住中峯 初一兩泊汰如之主持中峯也僅五王祠後數椽而已至是始次第興建規復舊觀 集有過訪友人以中峯建殿因緣詩華山得甘泉次高松韻詩華山得甘泉友人攜粉片就試同次兄賦詩

贈高松次公詩序高松次公自白門招余禮榜伽於中峯時以先榜師受山未幾化去聞郡諸檀延公主之僅五王祠後數椽而已期將終公乃不辭委之而去諸檀仍強繼之及余勉復舊觀大殿次第落成

蒼雪大師行年考略

十二

中峯八詠中峯院下自注在寒泉上又稱楞伽院相傳支公夏居石室冬隱茅根卽其處也嘉靖廢予今仍復爲寺古井下自注井在峯腹深可丈許甘冽異常古碣下自注二小石碣方從事土木在舊地掘出上鐫治平年號報恩山中峯院及勾當行者福能一吳姓一張姓者曾有小施聊記姓名歲月而已時旁有二同姓者見之恍若前身遂大施助成亦一奇事

賢首宗乘本傳十年之間佛殿樓閣禪堂齋堂丈室僧寮廚房浴室廊不悉備內外煥然山林一新爲吳中名利凡名公巨卿文人韻士靡不偕來優游其下連宵達旦散花供石問法而歸如文文起姚現聞錢牧齋吳駿公王烟客李灌溪楊維斗毛子晉諸名碩輩皆謂師爲山林經濟佛法司南

又師建大殿采石柱於山巖匠氏徧探無可運斤之地師夜夢跨馬神人指其所明晨尋至一同夢境指匠采之一殿之柱無欠無餘潘一古井建亭覆之得兩石碣姓字與今施主全同

潘耒中峯講院與造碑中峯講寺創自支公興廢不一明季始還爲梵宇一雨法師肇開講席者雪法師繼之雷轟雨霽法化大行吳中講堂惟中峯華山二刹最盛

李杲游支硎中峯記中峯乃支硎三峯之一晉支道林道場也去城二十五里在龍池也

山東北山多平石故名支硎吳郡賦云右號臨硎卽此峯在山之半望之隱然由山麓循路而上細澗有聲汨汨與落葉相亂寺初名楞伽院入門有石幢一清整道人所避也西南有南來堂前明萬歷中蒼雪徹師從漢南萬里而來因以名之蒼公博涉內外典嘗於中峯建殿買田其詩筆妙天下文文肅震孟姚宮詹希孟王太常時敏隱君周茂蘭徐波諸公皆與之游屢山錢尚書謙益至願居弟子之刻可謂賢矣稍北爲寶月堂有泉曰寒泉在南來堂之前飲之而甘寺僧云蒼公從事土木時有杜白雨者指庭中地脈曰此當有泉鑿之不三四尺見石版仆碑臥其上啓視一泓瑩然深丈許紫巖居士虞宗臣書寒泉二字於山麓其以是敷南曰軍思古梅一株老幹桂呀二百年物也又西曰冬青軒樹高一丈餘難以修竹蒼公畏寒多則居之面東有樓曰水明樓凡東南遠近之山可以送目於月夕尤宜曰水明者取杜詩殘夜水明樓句也樓下方池多碧螺無尾出中峯院稍西有鶴飲泉鳴榔窰馬跡石跡大於虎印石如泥支公養神駁遺跡也

是年漢月開堂於鄧尉聞照環吳中從之受具足 萬年少學於鄉 鄧敷教與楊維斗延福 陳臥子子龍 夏彝仲九弄 等同舉應天鄉試

崇禎四年辛未 四十四歲

蒼雪大師行年考略

十三

師住中峯

是年鼎伊讀藏經於半峯菴足不越戶者三年 五月若昧遊西昌示疾於淨土蘭若六月坐化年六十三 董玄宰拜禮部尙書掌詹事府事 吳駿公舉會試第一殿試第二韓芹臣四難舉進士 曉庵受生

崇禎五年壬申 四十五歲

師住中峯

校刻一雨所著維摩所說經直疏三卷 按一雨合釋維摩思益二經至是先刻維摩經而思益卒未付梓

是年聞照參密雲於育王 自均從漢月圓具足 見月從亮如披刺於鳳尾西山放光寺 吳江朱白民卒

崇禎六年癸酉 四十六歲

師住中峯

夏久旱得雨作題十名山詩自序云海內名山但曰十者或予所親遊與夫臥遊亦或有寄想送別蓋因人以存其山因山以存其人僅得十而已非專詠其山他則猶有所未逮也

秋九月初三姚現聞偕長子文初及徐元憲過中峯留宿一滴齋 集有與汰公分賦詩是年無爲如學 說法於金陵祇陀林七月廿二日示寂
崇禎七年甲戌 四十七歲

師住中峯

慧馨明白叔悔買石建二幢於天池華山 集有明白叔暨就石幢於中峯因入山作禮而去詩

按白叔建幢不知年月惟錢謙益乙亥贈詩有綺語未成先欲懺性香遙禮二幢僧之句知爲乙亥以前事

夏四月八日文震亨招集縑素禮佛香草垞 集有詩

秋閏中秋日林若撫雲鳳陳季采過訪留宿山中 集有詩

是年一如照舊重修廬山西林寺成方拱範爲撰碑記 董玄宰以太子太保致仕

崇禎八年乙亥 四十八歲

師住中峯

夏六月十七日和陳百史名夏卿雲詩

是年繼起得法於漢月 七月漢月示寂於鄧尉聖恩寺剖石繼席 西竺傳衣鉢於勝

蒼雪大師行年考略

十四

慈文湛持陞少詹事旋晉禮部侍郎兼東閣大學士十月罷歸

崇禎九年丙子 四十九歲

師住中峯

中峯大殿落成文湛持爲題中峯禪院額 集有大殿落成呈湛持文相國及諸檀護詩

徑山僧雪嶠圓信過訪集南來堂分韻賦詩

陳百史歸自雁宕劇談其勝師爲賦詩

秋往事亭月明菴禮請汰如來中峯開講華嚴玄談 集有夜泊卓林詩泛舟武林訪印

公詩白雲樓過西湖雜詠詩梅花庵詩雲度山堂新建詩和雲度月夜坐蒲萄架下詩月

明庵禮請汰公詩中峯法會和林若撫題答汪孺石檀護見寄并惠齋禮詩丙子期中除

夕是年他宗闢誣幾破和合衆詩中峯玄談解制詩

是年文照還吳始謁汰如勝慈主法雞鳴寺 吳駿公主試湖廣 崑山張鴻一立廉舉

於鄉 碧空卒 三際卒 董玄宰卒 姚現聞卒文湛持哭之慟未十日亦卒 廖傳

生卒

崇禎十年丁丑 五十歲

師住中峯

賦歲朝詩自序云余生戊子迄今新年歲半百世歷四朝幾經征役下遺幸以山林或免正慚世既無禪僧徒還廁况復邇來不無人琴感切多恐法愛有孤彌深內而莫知所報

與汰如合作百歲壽筵賦詩稱慶一時號爲勝集 集有贈汰公六同詩自序云開歲同慶五衰喜感交并賦得七言近體六章以紀之公隨見和乃分爲六同蓋謂兩人遭際無所不同也

與汰如訂分講華嚴疏鈔之約以九會爲次第一歲兩期互爲主賓

賢首宗乘本傳崇禎丁丑正月師壽五十與汰師合作百歲壽筵二師自此遂訂分講

華嚴疏鈔之約謂曰華嚴一宗自我雪浪大師掃除注疏單提本文以來沿習日久後

之主教者惟尙穿鑿多逞胸臆古人所立教觀置而不問若我兩人今不提倡則大經

教綱自此滅裂不復整矣

又汰如法師傳崇禎十年春與蒼雪徹師約曰白文經四方傳演雖感然昧旨者多得

旨者少我二人若不扶大鈔之教觀宗旨日久日衰必至邪說亂行矣

錢謙益蒼雪雪法師塔銘師謂華嚴一經經王法海非精研疏鈔不能涉其津涯窮其奧

變遂與河師訂分講之約河師住華山師住中峯一歲兩期踐更周道東南法席於斯

蒼雪大師行年考略

十五

爲疏

又南來堂集題辭余謂蒼老之於法門深心誓願勸金石而渡河沙者在與汰師互演

大鈔燃燈花千年垂絕之燈此蓋清涼現龍之分身婉挺青冥百千數變之一耳

萬年少至吳 集有雪中喜萬年少至詩

黃子羽羽聖泊僧養素購復吳中昭慶寺 集有昭慶寺重復自養素者宿詩

是年普潔普經重建吳中寶月菴 目嚴性賢講楞嚴於靈谷寺 見月從三昧受戒於

丹徒海潮菴返居揚州石塔寺 文啓美北上就選特授中書舍人 鄭敷教舉賢良方

正以母老辭 劉晉卿舉進士第一 高秉輝世舉進士

崇禎十一年戊寅 五十一歲

師住中峯

汰如道開校刻華嚴教義章師爲撰華嚴教義章說

德風始來從師親炙者十有八年

黃子羽以薦授四川新都縣令 集有送黃子羽之任成都詩

劉晉卿以劾楊嗣昌補福建按察司知事 集有和劉太史聞遊詠荔枝詩

一門住攝山 集有送一門至淮上詩

清代詩文集彙編

一一一

十一月八日吳中能仁寺浚井得鄭所南鐵函心史能仁寺亦名雙峨寺僧寄玄居之集有贈寄玄七十詩是也

雪松本瑞 重建青松庵申敬中用題 爲之記 集有再過青松庵訪雪松詩是年有除夕詩見集中

崇禎十二年己卯 五十二歲

師住中峯有元日詩又爲汰如作圖覺蚊飲序

徐元歎五十師賦五古五十句爲贈

秋徐元歎黃臺情不至子羽過中峯雨宿一滴齋與汰如道開佩子分韻賦詩

是年二月楚望迎三昧住華山定水菴 貝巖主法金陵水草菴 月潭應講雲棲未幾反白下尋卒年七十最伊繼主天界寺 上生明隱 至金陵驚峯寺受業微密之門 舍

璞披剃於溧陽七寶寺 吳駿公陞南京國子監司業 申維清給芳 舉於鄉 陳眉公

卒 崇禎十三年庚辰 五十三歲

師住中峯 春汰如講華嚴疏鈔第一會於華山 集有解制同作詩高松講大鈔於華山感羣鶴繞

蒼雪大師行年考略

空飛鳴欲下一時播聞詩以紀之詩

首宗乘汰如法師傳十三年春師首倡一期羣鶴旋空飛鳴圍繞又山後石吼聲震

林木咸以爲大鈔中興之祥也

錢謙益道開法師塔銘蒼汰二師約踐更講大疏實尸勸請汰師至華山命爲監院

徐松之 始與師訂交

百城煙水崇禎末余偕弱翁文將掌文訪靈均留止數日遂與靈均偕遊於晤蒼汰二

公於華嚴講期中時子晉同麟士退山諸公亦至

汰如卒年五十三含光嗣主華山 集有聞汰公訃音一夜成四詩哭之詩臘月初四日

送汰兄入龕詩

賢首宗乘含光法師傳崇禎庚辰高松主金陵報恩講肆人集萬指公與戒雷並列東

西序首座由此道香流播望重一時還山未幾而高松圓寂臨終手授袈裟一頂爲嗣

法之冠次呼戒雷而戒雷已先一日逝矣

文照依師於中峯

賢首宗乘文照法師傳汰如去世竟入南來之室

是年勝慈進具於三昧 雲音刺染於寒溪寺 吳駿公晉中允翰德 方密之以智 胡

其章周鼎 並舉進士 熊魚山以劾周延儒下錦衣衛獄 趙靈均卒 崇禎十四年辛巳 五十四歲

春師講華嚴疏鈔第二會於華山 集有道開以汰兄遺命請余續講華嚴第二期解制

予時落一齒詩

賢首宗乘含光法師傳辛巳春南來自中峯移錫臨講堂而首司監寺者爲道開局一

日以輯衆不協意遁去羣衆大譁始一心推數於公時值驚蟄早蝗爲虐公于身腰包

入山任其事持茶仔肩自此伊始而一衆貼席

溧南木生白太守寄華嚴懺法懺師校刻 集有紀事詩

詩序辛巳春華山講期中溧南麗江木太守生白公遣使以唐一行禪師所集華嚴懺

法見委校鐫刻行江南識者咸謂於兩年間初得教義章再得賢首傳三得華嚴懺次

第出世得非吾賢首宗之幾斷而復續晦而復顯之明驗歟

又寄使三和書法潤師來吳奉木檀越命以華嚴懺法相委多恐爲謀不終

王烟客五十 集有贈詩

雲隱庵昔爲巢松雲山兩師受業之地至是頽廢 集有過巢師雲隱庵院詩

是年覺浪至斯州荆王請其內庭說法 雲音進具於天界寺顯愚 繼起入天台 溯

蒼雪大師行年考略

聞 重建蘇州清遠菴

崇禎十五年壬午 五十五歲

春師講華嚴疏鈔問明品於華山是爲第三期

秋九月堤武中怡招遊大明寺平山堂諸勝 集有詩

毛子晉赴試南園 集有賦贈詩

歲暮作雜詩林詩百八首自序云曩吾二榜師舊隱鐵山花宮十載榜其林曰薜花今中

峯在寒泉萬木中人與雜居命其林曰薜樹不亦宜乎四時掩映一意蕭疏無不可懷適

茲壬午歲暮云暮風雨凄其俯仰今昔得百餘絕曾於榜師舊說榜師一作榜師經因足成

百八首云要之閒言冷語花笑鳥啼聊與本人共之詩則吾不知也

是年荆王請三昧與爲仰道場 文啓美勞軍蘇州給假歸里 起復劉晉卿未赴 方

密之授翰林院檢討 姚文初舉北闈 李仲木 舉於鄉

崇禎十六年癸未 五十六歲

春師講華嚴疏鈔第四會於蘇州紫慶寺

是年寇破武昌覺浪下金陵 含光講經華山自後無歲不講凡歷十年 三宜繼席顯

聖寺 閑照按蘇州白惟菴 熊魚山遣戍杭州 文介石任太倉州學正 陳百史

舉會試第一廷試第三累遷戶兵二科都給事中 吳駿公拜少詹事甫兩月謝歸劉公旦舉進士

清世祖順治元年甲申 五十七歲

春初師訪道開於虎溪因而留宿尋往東海印菴講法華經 集有虎溪留宿詩留別道開詩海印菴講期解制詩

三昧律師說戒北禪講寺 集有次味公韻贈端和詩

朱雲子選刻明詩平論選及師詩 集有朱雲子明詩平論選及拙作詩

文彦可端文父子隱居寒山趙氏山房 集有次韻寒山鼓吹詩

三月李聞陷京師 集有和胡清整七十年逢鼎革詩

是年萬年少南歸 劉晉卿攜家入閩十二月卒於贛州 楊曰補歸隱鄧尉山 張爾球鴻一昆弟閉戶奉佛 王原達入華山禮三昧祝髮受具 聖恩寺僧割石復與白馬寺

順治二年乙酉 五十八歲

春師講華嚴疏鈔第五會於吳中昭慶寺偶過雙塔寺山亭於轟轟朽爛堆中得賢首祖畫像頂禮持歸時所演疏鈔板藏西湖昭慶寺與吳中講席名同三緣偶合賦詩紀感

蒼雪大師行年考略

十八

靈白寺 重建御山思憶講寺 集有靈白法友開懺壇於御山詩

清兵破蘇州師避跡喝錫窩冬仍歸一把茅度歲有詩紀事 又作乙酉秋積雨紀事詩

嘉定侯記原 遊兵入中峯依師

汪琬侯記原墓 銘嘉定前左通政侯公嗣會既以城陷不屈死其子演潔皆從死已

其弟太學公又以事被執太學家子拒圍府君與通政公幼子潛遁在他所故不及於

禍不移日而名捕獲之令下君不暇顧家竟挾帶以逃達於支硎之中峯訛言追者陷

至漸大懼欲歸就死君持之泣曰不可女死我死我父目不暇矣女還行吾代女死立遣

漸而身自登小舟攜酒痛飲解其腰間金以與舟人揮之去乃大書潛姓名於衣襟殆

循躍入水自必死矣會有洄而拯之者出水良久始甦土人詢知其故數曰此忠義

家也盡留故衣衣水僅有追者當以示之給令求尸水中耳君從其言易服夜走吳山

有老僧蘿君髮更其名一正授以鉢曰女勿留此吾誓不女泄也復至中峯中峯僧匿

之而漸亦蘿君髮亡命間道渡江匿於揚之天寧寺矣事甫定君母弟掌亭先生迹知君

在所遺書勸君還君乃謝中峯僧變姓名往來崑山常熟間

韓芹城南歸隱支硎山麓易名延祺結茅菴曰樛花 集有訪樛花菴主於仙掌峯下詩和韓芹城冬青軒遊暑詩

蒼雪大師南來堂詩集

吳一菴 遊居湖浦之荆園閉戶讀書不問世事作荆園詩四方和者頗多師亦有和詩見百城煙水

徐武子屏居西郊一雲寺 集有贈一雲寺埋菴上人詩

是年弘光改元金陵設壇議薦特賜三昧紫衣白金敕文武百官迎謁於寺稱國師闕六月三昧卒見月繼主定水菴 上生開法永定大闡華嚴教觀 福王授劉公巨南昌知縣未赴而南都陷集有次答劉公巨見贈詩花朝前二日過訪劉公巨廬墓詩 授莊宜律為鳳凰道後遺跡隱居蘇州集有早寄寄答莊使君二度庵問詩次答莊使君見寄詩 起李灌溪為河南道御史引疾歸構精舍於家園榜曰碧幢又嘗避夏鳴榔 張靜涵遁入武康山依繼起

吳去塵 落魄遊吳門遇亂死虞山舟中毛子晉為收葬之 集有題墓詩 文啟美遊地

鳴澄湖嘔血數日卒年六十一 八月江南義師潰萬年少被執囚繫兩月脫歸江北

陳百史遊仇北行清廷授修撰尋擢吏部侍郎

順治三年丙戌 五十九歲

師住中峯有元旦次答王彥平詩新正次答道開入山問訊詩早春寄毛子晉詩立春曉

望懷吳梅村詩

角直許孟宏元 捨宅為海藏禪院迎願雲主之張鴻一諸居士賦進院開堂諸詩師有

蒼雪大師行年考略

十九

和作

聞照庵開三年白樵菴新殿落成師與徐元歎諸人皆有詩賦贈

巨冶重建香山白馬寺正殿經閣煥然一新山有梅泉淹塞已久至是進出師贈詩有細

流引到泉盈壑空鉢持歸雪滿舟之句

自均從師得法時年三十六

是年文介石自粵避兵入中峯依師後妻人迎之居豐陽觀 陳百史以憂歸里

順治四年丁亥 六十歲

師住中峯

正月初二日六十生辰諸法友賦詩為祝者五十餘人師不及過答因賦七律一章總酬之文題覺來猶時見尼錄

鄧尉聖寺僧剖石五十 集有贈詩

周安期卒年六十六歲師以詩弔之

秋至大倉黃菊王煙客之西田

吳偉業詩序丁亥之秋王煙客招西田黃菊踰月蒼雪師亦至

是年覺浪結制天界寺 舍光講經於郡城北庵 陳百史起復吏部侍郎 劉公旦與

清代詩文集彙編

一四

夏存古先生 顧□□ 同業市 徑山僧雪嶠卒年七十七 曹能始卒
順治五年戊子 六十一歲

師住中峯

聖恩寺建還元閣成 集有三宜和尚招灌溪寅仲還元閣看梅分賦詩

含光五十有詩

文彥可卒子端文結茅陸墓耕樵以終 集有爲端文大孝追憶尊人彥翁疊韻詩

冬十一月初四日汰如十周忌骨塔始成賦詩志愧塔在華山而皋亭月明著另有別隱

是年覺浪結制浮山無相寺以原道七論不應稱明太祖坐獄 吳公定等復與雲隱慶

院 陳百史擢吏部尚書 彭鴻夏年舉恩貢 三月翁仲謙卒 林若拙卒

順治六年己丑 六十二歲

師住中峯

春東菴僧香渡德嗣 卒以詩悼之

秋至錫招集邑中詩人於忍菴菴分韻賦詩 集有景行昆玉招同秋紹諸居士社集

忍菴菴分得魚字詩重九後誠之心甫鴻更路然招游惠山詠泉疊韻詩次誠之諸君九

日後登石溪軒詩惠山汲泉詩

蒼雲大師行年考略

忍菴菴志讀微國初至邑北郭蓬萊閣演講華嚴疏鈔遂居菴中

淫島區覽僧讀微喜歌詩嘗集邑中詩人拈題限韻有中原七子非無後顧氏三龍正

始錄之句三龍者謂顧秀才野與景行廷驤也

錫山景物略善住菴在蓬萊閣右庚寅秋講師讀微菴率弟子數與顧景行諸少年

分題限韻有詩成集曰過溪唱和 按庚寅似當作己丑

漢華嚴疏鈔第六會於無錫善住菴以病未竟賦還山吟一首留別 集又有次答秋紹

諸友見過善住菴席詩次答秋紹諸友見過不值留贈原韻詩 按善住菴即蓬萊閣

繼起葬親通州將歸天台兵阻吳中吳人士延住靈巖之崇報院集有靈巖坐雨和繼公

韻次答靈巖繼公見過詩

印持 購許氏廢園建金幢菴與法弟湛門分居之 集有過印持首座金幢菴願贈

詩

德風實地於桃花塢北築菴養母師爲題其菴曰慈氏

是年吳江李公禮禮覺浪江南諸溪護延主錫山樓霞寺 願雲歸廬山 三宜說戒真

丙午

順治七年庚寅 六十二歲

師住中峯

正月與妙湛宜公張靜涵李灌溪吳寅仲有亮 諸昆季雨中看梅玄墓華嚴閣分韻賦詩

道開年五十自秀水歸虎丘居鳥溪新香卓之東小庵 集有道開五十詩

十月初二日錢受之絳雲樓不戒於火藏書悉燬 集有寄詢詩

友蒼南歸金陵居報恩寺師贈詩有國破何家問人餘隔世看之句 按友蒼南歸未知

確期惟當在順治三年以後八年以前

是年曉若從靈巖繼起受具足戒 方密之爲僧於粵 尊醫胡白叔卒年約七十餘

順治八年辛卯 六十四歲

師住中峯

三月寶華山僧見月五十師壽以詩

九月十八日一雨忌辰師以杯水作供復至法螺菴與照斯同遊作詩紀事

詩序辛卯九月十八日值先榜師忌辰以杯水作供悲感之餘時正秋露初霽霜葉半

酣攜友輩一二入信步寒山道上不覺已至法螺庵照斯亦潔治瓶花茗碗佐香蔬展

祭榜師共憶師之見背二十七年于茲矣撫今慨昔時不我與有感於衷相與哀慟欲

絕飯罷同至合流庵隨喜識禮復沿溪深入得二靜室把茅縛屋乞食荒村卓有古之

蒼雲大師行年考略

住山家風少憩越樓穿林尋舊路而歸有平生足跡皆所未到處猶聞有師姑基者由

天峯一徑直上即記傳所載白雲端禪師開法天平有舊僧千足處借足力倦極不能

往探期以異日至化城前照斯別去獨友輩隨余歸喝獅窩已不知夕陽之在樹掩映

丹楓真似洞口桃花或不笑人虛度此日因拈絕記之

越十日過華山默然洞看菊留宿留彈指閣看菊無東詩

詩序辛卯九月廿八日偕法螺菴修公與其徒照斯過華山同舍友宿默然洞看菊久

待洞主不至歸已抵暮修公師弟先別去予不能行留宿彈指閣是夜西風大作竟不

成寐因同舍友作六絕以紀其事云

王烟客六十賦七律十章爲祝

是年願雲開法建陽雲居山 木陳繼起被執諸義士謀救之 陳百史拜大學士 蕭

伯玉卒於西陽僧舍年六十七

順治九年壬辰 六十五歲

六月道開疾邀師坐榻前手書訣別擲筆而逝年五十二師賦二律悼之

木陳繼起質傲東甌尋事解還吳繼起夢深林坐石生秋隱之句覺後續以成章時覺浪

在樓霞夢繼起寄詩亦有此句因作同夢詩師與文介石諸人和之語多感慨